

史

鉞

史鉞卷之十一

臣道第九賢臣

耶律楚材字晉卿契丹之裔博究群書天文地理律曆術數釋老醫卜靡不通身長八尺美鬚宏聲元太祖指楚材語太宗曰此人天授軍國庶政悉委之東印有一角獸作人言問楚材曰此瑞獸名角端好生惡死帝即日班師條便宜十八事又奏十路課稅法用士人掌之汴梁城困大將請屠其頑民楚材奏得地無民將焉用之帝議裂地封勛感楚材曰裂土分民易生嫌隙不如多與金帛或諧楚材爲相貪財后令人視之唯琴書遺文而已一代之興必有一代之臣若楚材不出出之材也非太祖之聖焉能察楚材之賢哉

楊惟中從皇子伐宋得名士圖書送燕都立周濂溪祠建太極

書院延儒士授經俾通聖賢之道慨然以道自任化成天下捐
業恢弘河南總管劉福貪殘酷虐惟中召至挺擊之數日福死
河南大治宣撫陝西郭千戶殺人之夫而取其妻惟中戮之以
徇關中肅然

趙復字仁甫元兵伐宋俘德安之民沈樞得復於俘籍寄其材
復夜逸求死樞挽之北行錄其所記程朱諸書以教學者北方
通經自復始不仕稱江漢先生

月乃台字正卿僉書樞密以道自任有肯料民丁中原正卿奏
業儒通經不料免丁著於儒籍恩德及人其曾孫焉祖常伯庸
登科執政仁者有後其信然歟

李俊民用章金進北宮翰林應奉得提朱之學金亡隱嵩山嘗
從荆先生受邵子學極數則兼忠自謂不及憲宗以安車徵之

虛心訪問告老而歸謚莊靜先生

安童木華黎四世孫十三位百僚上。帝欲誅阿里不哥之黨。平人安童曰。大難甫定。挾私殺人。何以懷附。帝深重之。爲右丞相。召許衡爲左丞輔之。後從北平王鎮北邊十年。歸德相。位立尚書省。安童諫曰。臣力不能回天。乞不用桑哥。別用賢相。不聽。卒封東平忠憲王。

庶希憲世祖。希憲即承。召入講孟子性善仁義。稱爲庶孟子。亦善射。校藝帝前。三發三中。又稱文武全才。宣撫京兆。甦民瘼。抑豪強。從名儒許衡咨治道。入中書。振紀綱。効名實。汰冗濫。抑僥倖。興利除害。翕然稱治。方士請煉大丹。希憲以秦漢故事。奏罷。尊禮國師。命希憲受戒。對曰。臣受孔子戒。爲臣忠。爲子孝。是也。鎮江陵宋官致珣所。悉拒不受。與學。舉賢重義。輕財。家無

餘貲帝賜白金五千兩子六人字恪恂忱恒惇皆貴顯
史天澤繼兄天倪職爲萬戶多戰功世祖召問治道言當省部
設監司退貪殘頒俸祿爲右丞相李璫叛濟南天澤以計生擒
璫斬之詔從伯顏伐宋以疾免奏勿殺掠謙和不伐臨節論事
毅然不同讀書通大義史鑑尤精爲將相五十年上不疑下無
怨八子皆顯官

董文炳從伯顏伐宋駐鎮江與張世傑戰宋兵敗世傑走海中
文炳趨臨安會伯顏二王南走宋主遂降伯顏領師事委文炳
謂學士李槃曰國可滅史不可滅臣收史籍乃收宋史諸筆記
歸國史院拜中書右丞謚忠獻子士元士選

姚樞公茂自少力學潛經宋之書如飴見山祖敷陳帝王之道
從征大理言言不殺明且世祖臨城爲旗書止殺之令民賴

以全樞曰聖人之心仁明如此生民之幸有國之福歷中書左

丞翰林承旨謚文子燁平章政事

許衡事載道統

竇默字聲少從婦翁習醫後與姚樞許衡講上里之學見世祖問治道以三綱五常對又問欲得士如魏徵者默曰臣願諫爭剛毅不屈許衡其人深識遠慮有宰相才史天澤其人爲翰林學士面斥王文統貪橫爲禍必禍天下帝曰誰可相者曰無如許衡默性樂易平居不輕議人品溫然儒素論國計面折廷爭人方諸汲黯贈魏國文正

王磐文炳力學經史文辭宏放無涯東平嚴實迎爲師拜翰林學士出爲宣撫入爲太常少卿時宮闕未建臣庶雜處磐上疏令宣徽院籍百官姓名以次傳入自是議制始立阿合馬致重

幣求碑文。鑒不予。薦宋道李譙孟祺皆名臣。號鹿菴。封洛文忠公。

王鶚百一爲翰林承旨。制誥典章皆所裁定。性樂易。文章不事雕飾。以理爲先。侍講經筵。必敷陳古今興廢。有開風教。人君喜聞而樂從。風化移易。謚文康。

南挺孟卿。東平嚴實。聘爲子師。受命將兵大破阿不哥之黨。拜中書參政。爲詩歌畫山水。工漢隸書。封魯文定公。子時德。待集賢學士。工畫工詩。

劉秉忠。仲晦少從釋氏。名聰。書記入觀世祖侍左右。書無不讀。邃於易邵子經世書。天文地理律曆衆星歷算。通上古數千言。皆開國要務。然不改素服。常帶黃冠。其意欲密謀定社稷。大計聖明。御極萬物。維新尚飭。野服宜正衣冠。加顯秩。即日拜

光祿大夫位太保參預中書政事以資默女諫之既受命以天下爲己任知無不言言無不聽薦人才各補職自幼好學至老不衰位極人臣平居蔬食無異昔時封胡文貞公

劉因天資絕人讀書過目成誦評周程張邵朱呂之書曰周至精也邵至大也程至正也朱子極其太盡其精而貫之以正性不苟合不妄交家甚貧非義一介不取徵爲資善大夫陞集賢學士歐陽玄贊之曰麒麟鳳凰世不常有一鳴而六典作一出而春秋成從周公孔子之後爲往聖繼絕學爲萬世開太平號靜脩先生封容城文靖公

郝經伯常爲翰林學士使宋賈似道陰謀館于真州宋平得歸而卒爲人尚氣節爲學思致用撰續漢書易春秋外傳其文豐蔚家藏善議論詩多可感

完澤生別燕氏為右丞相華桑哥弊政請免積逋錢穀封興元忠憲王

哈剌哈孫幹刺納兒氏為人威重不妄言笑善騎射工國書重儒術以勛臣後掌宿衛拜大宗正用法平允為湖廣平章討平群盜為左丞相斥言利之徒以節用愛民為務大事引儒臣議

奏建孔子廟學選名儒為學官定南郊禮左丞劉深征八百媳婦無功奏正其罪言治道必先守令定賊罪十二章武宗立安

西王誅皆籍其謀以讒罷相鎮北邊

程鉅夫累官至集賢直學士請興建國學搜訪遺逸世祖欲以為御史中丞遷侍御史奉詔求賢江南極言桑哥奸狀六奏不允遷閩海憲使興學明教使民畏愛之陞湖廣平章貪污吏贖

盜拜翰林承旨以亢旱星變陳弭災五事號雪棧封楚文憲公

趙孟頫子昂宗室子程鉅夫薦由兵部郎中遷集賢直學士爲
諫人嫉求外職同知濟南府召脩世祖實錄又書金字藏經陞
翰林承旨書逼晉魏詩宗盛唐號松雪謚文敏

阿沙不花爲右丞相佐武宗誅奸臣阿忽台見武宗容色憔悴
諫曰八珍之味不知御萬金之身不知愛惟酒色是耽兩宗伐
孫不鮮不類仆左右賀得直臣封順寧忠烈王

和尚玉耳別里伯牙吾台氏武宗即位危疑之際彌綸之功爲
多拜中書平章致仕居濮上築先聖燕居祠堂於歷山聚書萬
卷延名師教子弟置田百畝給之賜額歷山書院封衛國公

姚燧少從游於許衡累官江西憲使陞叅政擢翰林承旨學以
真知實踐爲事文闕肆該洽豪而不宕剛而不厲春容盛大有
兩漢風名臣勦蹟皆燧所書高麗王求燧詩文贈金王幣帛名

張養浩以分散屬官以金銀付翰林爲器皿器識豪邁如此有牧
養集

張養浩有行義勤學業拜御史上疏萬言言皆切直遷禮部侍郎知貢舉陞陝西侍御史改禮部尚書未六十致仕作廟堂風
憲牧民三事忠告封函文忠公

李孟道復通經史善論古今治亂仁宗方幼徵孟爲東宮師講
論性命道德仁義綱常多所裨益入參大政損益庶務悉中利
病然抑絕僥倖群小不樂孟遂逃去再召授中書平章以國事
爲己任言人君之柄在於刑賞宛死者復官陰濫爵者悉追奪
罷僧道官又言貴賤有節賜予有節請爲限制補益居多自視
若不及賜爵秦國公御書秋公二字賜鈔十萬貫知延祐元年
貢舉英宗立茲臣鉄木迭兒譏謗之收其制命降集賢直學士

而卒御史辨其誣詔復前官封魏文忠公

張珪淮陽王弘範之子累官平章政事教坊使嘗咬住除禮部尚書珪曰伶人爲宗伯耻之乃止皇太后以右相鉄木兒爲大師珪言不可忤太后旨杖珪後拜大司徒封蔡國

察罕西域人以偉類博覽強記入衆大政進平章悅歸德安白雲山仁宗稱白雲先生

鄧文原善之官浙西竟遷按江東多所平反爲國子祭酒內嚴而外恕家貧而行廉卒贈江浙參政學問該博文章典雅謚文肅

郭貫由翰林學士拜中書左丞博學能文精於篆籀拙寶碑刻多出其手謚文憲

劉廉熊職拜翰林承旨集賢大學士久典文翰當時大制作多

出其手

元明善復初入翰林集賢出爲湖廣叅政早以文章自豪謚文敏

拜住安童之孫拜大司徒進左丞相刑曹情可矜者寬恕之貪暴不法必不容再拜曰陛下委臣以大任臣有所畏者三畏厚祖宗畏天下事太識見有未盡畏年少不克負荷無以報聖恩有言佛教可治天下帝問拜住對曰清靜寂滅自治可也若治天下舍仁義則綱常亂矣鉄木迭兒過惡拜住以聞帝奪其官任其罪奸黨鉄失等懼夜以衛兵入帳中殺拜住遂弑英宗拜住爲相厲精爲治振立紀綱脩舉廢墜不幸排難封東平忠獻王

敏藏由御史中丞拜中書平章朝議欲盡戮朝臣從泰定帝在

上都者儼抗論言此皆循常例從行殺之非罪衆類以免儼者
春秋備忘四十卷

虞集伯生官國學翰林集賢至奎章閣大學士內不任臺省外
不任州郡欲丐一郡自效而文宗不允日近清光備顧問講論
治道裨益居多文祖歐蘇詩宗李杜漢隸真楷尤精號邵庵封
仁壽郡文靖公

脫脫幼岐嶷異常兒伯父伯顏謀逆佐父馬札兒台以大義滅
親誅之事定以功爲右丞相復糾舉脩時祀開馬禁滅鹽額蠲
負逋開經筵中外翕然稱賢相兵起江淮詔脫脫總兵南征至
高郵城將破御史及奸臣哈刺譜脫脫老師費財安置淮安死
大平賀允中爲相請僧有妻子勒歸俗給敎官奉賜教官坐脩
都水監浚黃河舉隱士後以譏罷復相而國事非矣被劾安置

上審自殺

星吉爲御史大夫持風裁移湖廣平章責威順王不法王謝罪
改過鞠胡僧淫侈之罪又移江西守江州城已陷募兵克復池
州與賊戰兵敗賊輿星吉寘室中七日不食死

庶惠山海牙官御史彈劾無所避移江西右丞賊陷龍興入爲
福建右丞卒

馬祖常伯庸雅古氏力學舉進士至御史中丞立朝多所建明
議將家子驕脆有孤任使庶民有悅強敵張常建武學武舉以
備非常工文章宏瞻而精覈自成一家詩謚文貞

懷嶮子山康里氏博通群書正心脩身之要得之許衡風神凝
遠制行峻潔遇事英發官翰林承旨以聖賢格言爲文宗講誦
侍經筵取郭忠恕北平圖以進言紂不聽諫而亡又言宋徽宗

多自擇不能爲君國亡身辱移江浙平處卒家於溪無以爲家
帝賜銀五錠善真行草書片紙之存人爭寶之不啻金玉謚文
忠

黃潛晉卿官至翰林侍講學士兼知經筵天資介特位官清白
月俸弗給謫謫助費升朝挺立不依不附文辭謹嚴精至

歐陽玄原功官至翰林承旨湖廣右丞致仕性度雍容含弘鎮
密更己儉約居官廉平三任成均兩爲祭酒六入翰林三拜承
旨備實錄大興三史皆大制作兩知貢舉制誥多出其手文章
道德卓然名世號圭齋村楚國文公

張起巖夢臣官至承旨其爲御史守綱紀出爲廉訪使搏擊豪
強不少貸文章典實豐贍爲遼宋金三史總裁

許有壬可用官至中書左丞在朝久事有不便能明辨力爭不

知有死生利害

宋本誠夫官至國子祭酒兼經筵事高抗不屈持論堅正制行純白無私篤於友義官雖顯達猶儉陋以居善爲古文辭必已出峻潔刻厲多微辭

李好文惟中官至河南平章多惠政文章雄偉俊邁經學尤高揭傒斯景碩少貧讀書刻苦三入翰林朝廷之事臺閣之儀靡不閑習告老南還起爲三史總裁平生清儉至老不易立朝雖居散地而急於薦士奏罷豐城淘金戶三百文章叙事嚴整語簡而當詩清姓麗密與虞伯生楊仲弘范梈齊名朝廷制作多出其手謚文安

吳當伯尚文正公章廬之孫官翰林直學士江南兵起大臣薦爲江西憲使督餉救火亦其部尚書黃昭招徠江西寇時亦

友總兵撫建謂南人不宜總兵奏罷之龍興陷黨戴黃冠者張
服杜門不出著書續文陳氏強致之昇床載舟送江州拘留一
年不屈而卒考定周禮儀禮禮記三經文章典雅詩清俊法老
社

張翥仲舉官至翰林承旨字羅帖木兒犯闕命翥草詔削奪擴
廓帖木兒官爵翥曰臂可斷筆不能操以潞國公河南平章致
仕長於詩文亦工號蛻菴

史鉞卷之十一

史記卷之十二

臣道第十武臣

夫兵者凶器也。戰危事也。聖人不得已而用之。墨家之論將曰。功而已。次以德。儒家之論將曰。德爲先。功次之。何謂功。守城野戰有益於國是也。何謂德。愛人利物。盡忠於君是也。古者文武一道。股肱大臣出則爲將。入則爲相。伊尹太公皆盛德士也。功特餘事耳。上焉者功德無脩。次則德優於功。與其功有餘而德不足。不若功不足而德有餘。蓋功之成不成在天。德之脩不脩在人。在天者不可必。在人者可以必。功有餘而德不足。則成威弄權必多過舉。上則人君忌之。下則庶士怨之。能全忠者鮮矣。使其功不足而德有餘。則守禮循法必多善行。上則人主信之。下則士卒附之。如是何患焉。三代而下。爲將者計功不計德。任

將者擇才不擇行文武之道於是分裂而仁義詩禮之帥十無二三三代之將孝於親而忠於君勇於義而中於禮崇廉耻遜讓之風杜乖爭凌犯之釁知柔知剛知弱知強可以養心可以脩身可以利國可以便民可以保功可以全名可以居安可以臨危可以守常可以應變進退去就辭受取舍無施不可而期於合理不專詭詐果敢馳騁行陣而已

商伊尹五就湯五就桀桀不能用而淫雪不悛佐成湯伐桀以聖賢之資任將帥之事其用兵也以安民爲心以安社稷爲心非喜戰爭也非貪勢利也非幸功名也以至仁伐不仁以大義伐不義

周太公呂望應非熊之兆舉鷹揚之師盟津之會不期而會者八百國專行仁義亦寓以權謀若六韜同馬法之所陳本末先

後自有序也。故功大名顯，存歿俱榮，福及當年，慶流後嗣，卓乎不可及矣。

孫武之書十三篇，兵法具備，武之操術有餘於權謀，不足於仁義，能克敵制勝，爲進取之圖，不能利國，使民爲長久之計，可爲春秋諸侯之將，不可以爲三代王者之佐也。

范蠡用兵，智足以應變，才足以任重，懷堅確不移之志，持悠久不倦之誠，能爲衆人所不能爲，卓然有立，不可跂及。當越王之敗國爲至危，君爲至辱，范蠡佐君治國，撫士練兵，深謀密計，以驕敵人，觀釁待時而動，不僥倖於一勝，必舉於萬全，以存越興霸業，而復仇讐，尊周室，而令諸侯，又能明哲保身，知進退存亡之幾者。

田穰直用兵，假權謀之術以濟功者，直擢目，燕孽人微，權輕百

莊子一語
之右駢馬之左駢
借人之死以立己威
滅君之令以申己令
此乘國危君弱自樹於一時者也
豈足以爲法哉
必如衛青不誅
蘇建請于天子者
守經常之道以尊主者爲是也

姓不信於是誘莊賈監軍因其後期斬之以徇又斬使者僕車
之右駢馬之左駢借人之死以立己威滅君之令以申己令此
乘國危君弱自樹於一時者也豈足以爲法哉必如衛青不誅
蘇建請于天子者守經常之道以尊主者爲是也
孫臏與龐涓俱學兵法消嫉臏之賢削而黥之臏知能料敵不
能慮其身謀能強國不能衛其足何工於爲人而拙於爲己禍
出不意見賣於友者君子取友之必謹也臏遭極刑隱忍不死
陰售其術卒以強齊折衝趙魏以滅寇視法斬木出奇斬龐涓
以復仇此志士之重其死也龐涓棄才而害人慘然而滅身甚
哉怨毒之不可以加於人也

吳起著書二篇垂法萬世守西河而秦兵不敢東向百戰百勝
關地四面石五千里可謂智通軍務勇敵三軍坐於邊陲而守

必固立於行陣而戰必勝者矣然考其行事情忌暴烈薄德寡
恩故所至怨謗隨之事魯而親不克終事楚而見殺非有才無
行之不能自全也

樂毅之於燕舉於隣國之使受以上將之禮構諸侯以伐強齊
指揮呼吸之間臨淄震湯而不守雲撤席卷攻其堅城所餘莒
即墨耳而積年不拔非欲連兵自王如齊人之言乎何惠王召
之背燕而降趙戰國之世士無素守臣無全節投隙抵隙見利
而動今日坐國謀議明日操戈相追強則爲逆弱則出屬爲臣
不忠爲君失信譏說一搖禍機箭激謂非失君臣之義乎

田單之用兵以少覆衆以弱取強方燕之入齊王走夫莒通都
大邑望風瓦解單以區區即墨嬰其鋒而守之猶捧塊土以塞
大河危如累卵卒能乘弊而奮誅夷追奔逐亡再造齊國求其

故不過縱反間立神師用火牛三寸正已皆僥倖一時非制勝之本也後攻敵三月不克問計魯連連曰昔在郎墨將軍有死之心士卒無生之氣所以破燕今得志而驕有生之樂無死之心所以不勝乃厲氣循立於矢下不援抱鼓之急敵人乃下魯連其知兵乎

趙奢之用兵先據北山以解閭與之圍取必千將以塞田單之間可謂名將而其子括讀其書以言兵事天下莫能當而奢不之許曰兵死地而括易之若爲將必敗其母上書訟其不可將兵括果敗如父料如母言奢之賢母亦智矣兵事可易視之哉庶頗爲趙將伐齊破燕攻城野戰之功蒲相如從會渑池以口舌之勞位頗之右頗不能兩立欲辱之相如退避曰先國家之急而私讎後祖負荆謝罪爲刎頸之交國賴以安天下賢之

禮義人之所同言合禮行當義無不心悅誠服柔能制剛寬能御褊誠能感誼正可格邪謙可抑驕廉可激貪默可止辨靜可鎮動此理之常所以犯而不校熙幾顏子不見喜愠比方衛玠爲賢也

李牧爲將重國體愛民命戰其鋒審上氣時出而用之不戰而屈人之兵所謂不戰屈人殺不辜謂可爲法於天下後世其居鴈門享士卒習騎射謹烽火多間諜寇至入保敢捕者斬以此人無失亡邊得田畜進不求名人以爲怯進而不爭退不避罪主以爲誚而不辨所以大破匈奴安邦定國彼貪小功以爲邀近効者豈足以圖遠略哉

白起坑趙卒長平四十萬不仁哉區區杜郵之死焚爛而殖醢之何足以償斯人之冤快斯人之憤乎此不足論然起死有遺

恨在天下則不仁在秦則有功何應侯忌而齎之長平之勝威
震諸侯韓魏大恐遣間說應侯而罷其兵使萬全之功廢於垂
成機會一失不可復得故再舉而起難之知其必敗昭王強之
而不應遷之有餘言卒致亡命其惡於罪盈宜其受禍然應侯
之心亦險哉如公孫之於吳起郭開之於李牧皆應侯之流也
天不助秦有如此者

王剪攻燕趙皆定其地料楚非六十萬人不可取明矣然伐楚
也請美田宅甚衆或疑之剪曰王忌而不信以國事委我不請
田宅以自堅坐而疑我矣戰國以來道德禮義消亡君不君臣
不臣以智術相寵以權勢相軋君逐臣臣背君以爲常事所以
朝爲將相暮爲匈奴朝處廟廊暮就斧鑕過秦極矣至於蜀主
之於諸葛孫權之於周瑜外托君臣內懷骨肉言行計從禍福

其之兩盡其道也

蒙恬爲將勉事所難歛怨召禍易曰王公設險以守其國築城
備胡固善延袤萬里可平三尺童子知不可也始皇昏暴妄意
爲之恬諂佞曲從竭四方之力殘萬衆之命欲爲求安之謀其
可哉又欲涿城優旃諷曰難爲蔭室孰謂其智不優旃若哉不
遇趙高之禍涿城決矣一死宜哉

韓信長樂之禍古今其情謂不知耶隱忍跨下以就功名勇而
能怯者至快快怨望羞與噲伍智安在哉謂不忠耶距武涉蒯
通之說感解衣推食之恩不忘君矣至握陳豨手圖內應忠安
在哉蓋其智與忠非純也方破楚請爲假王會固陵負約邀地
非赤心以事君天下既定南面稱孤權勢足以爲亂高祖雖大
度肯置而不問乎故告變之書上而雲夢之計舉矣信於此時

能責躬引咎杜門謝事優游恬淡猶可全晚節而保令終乃於網羅之中欲投風塵之隙卒及夫禍智與忠不足論也

周勃爲將取蒙虞擊章邯定三秦畧楚地多戰鬪之勞爲太尉以一節入北軍倡左袒之師誅諸呂而安劉氏有安社稷之功非沉享有謀之士而文帝竟使之下獄真少恩哉

王陵受母訓背楚事漢可謂智矣諫呂氏母王諸呂卒安劉宗可謂勇矣此其節之大者若戰勝攻取特餘事耳豈販繒屠狗輩可及與真特立獨行大丈夫也

樊噲當項羽入關勢暴於秦沛公會鴻門事危於趙范增舉袂而謀已成項莊舞劍而禍將及噲擁盾直入不震不驚摧項羽之強鋒脫高祖於虎口其聲胡陵破章邯李由趙貴項籍得郡六十其功大矣然當呂氏誅趙王如意高祖欲斬之幸宮車晏

駕免於誅戮而早終不然必預呂氏之禍

周亞夫堅壁細柳以軍容見天子之尊深壁昌邑以持重折吳楚之師得將軍之體爭栗太子不宜廢諫后兄王信不宜侯論匈奴降王不宜封守正不阿得宰相之體卒以憂死雖景帝過於嚴急而亞夫挾震主之威事君無禮自貽伊戚何足怪哉韓安國智略過人足以當世取舍事梁孝王是楚反孝王使爲將安國持重故吳楚不敢過有將帥之才坐法抵罪獄吏辱之復用不以爲仇有長者之風與王恢論匈奴反言擊之便安國以爲勿擊恢無成功而自設有過人智略惜不能引用庶士而貪營財惜哉

李廣勇略天下無雙爲邊吏二千石匈奴畏之號飛將軍才氣大過人矣自結髮與匈奴七十戰終無尺寸功以封侯何哉然

御軍無節制軍行無部曲行陣不擊刀斗幕府省文書自便雖然廣雖無節制而勇略過人武帝不得盡用雖爲將陰令大將軍使不得當單于所以其才之不盡也

將軍青凡七出擊匈奴斬首虜數萬級取河南地爲朔方郡渠犂

去病凡六出擊匈奴斬首虜復多於青漢興諸將無出其右拜將封侯姻聯外戚得時得君未聞薦一賢士蘇青爲言青曰招賢人主之柄若唐裴行儉郭子儀所薦辟居多皆至將相天下稱之曷嘗有竊柄之譏哉此衛霍出自寒微不知尊賢禮士宜矣

李陵以步卒五千出居延至浚稽山與虜七百騎接且戰且引日數十合衆寡之數既殊主客之形亦異陵雖善將安得而

不敗哉陵世爲將兵敗而死宜然乃偷生降虜及宗親禍貽朋友何爲者哉

趙充國以老臣任邊將經營圖畫至謹至重阻用兵深入之議畫屯田便宜之策以爲勝之未有得福敗則或爲禍階在我所係甚重故發也不可以輕長轡遠馭縻以歲月初皆遷其遷緩坐失事機終焉士卒不勞而寇戎自破真得中國御夷狄之術而從中興各將屯田足食可爲萬世脩邊之良法

辛慶忌雖無設施亦無非其顯功不過從常惠之戰以著名迹不過見於邊郡之守至於爲左右將軍屢經邊任亦無戰勝克敵之奇功如頗牧衛霍王鳳稱其名略威重可居柱石之任何武稱其謀慮深遠宜在爪牙之官蓋慶忌名臣之後通兵事仁勇得衆使臨敵與勝必成大功遭世昇平夷狄內附兵革久寢

故無顯功然忠節不可及帝欲誅朱雲夢忌叩頭流血採免猶張高賀陽城之直言夢忌之謂也

傳介子當樓蘭爲匈奴間候遮漢殺使悖逆之理取讎中國爲日固久而未有以制之介子奮發銜命出使不領師旅而斬其首還垂闕下以驚動諸夷取封侯之貴雖一時之奇功非所以爲漢計小國有罪當陳兵明致其罰而乃誘以金帛詐而殺之與刺客姦人無異可羞也夫

陳湯當郅支單于內殺漢使傷威損重天子震怒欲誅恐勞民動衆久而未發湯與甘延壽矯制發兵決策深入其國屠三城斬郅支首併然氏名王千五百人以示萬里明犯漢者可謂能雪中國之耻而成駿功劉向稱其可方方叔吉甫而石顯咎其矯制不賞惜夫

馮奉世當此車之戰形勢已成。鄴義以西。皆絕不通。尚或稽遲。禍可勝言。命將出師。未必能免。就使必克。所費已多。奉世忠義奮發。見危授命。以節書告于諸國。發兵不費斗糧。不遺一鏃。招其城而降。其主收安邊勝敵之效。以功補過。宜膺上賞。請聖之沮之。可也。長犬息也。

班超仲九有大志。勤苦而辨。涉獵書傳。在西域三十一年。招降附五千餘國。邊將功名無出其右。及受代而歸。告魏尚曰。塞外吏士。本非孝子順孫。皆以罪故徙邊屯。而蠻貊懷鳥獸之心。難養易改。今君性嚴。水清無大魚。察政不得辨和。宜蕩洗簡易。寬大過愆。大綱尚以爲無訐。衆所言平平。而後果敗。觀夫是超能於邊任而收功絕域者。以此歟。夫寬裕有容。常得衆心。褊急而察。常犯衆怒。得人心者保安全。犯衆怒者及禍患。才如關張。而

不免况魏尚乎

鄧禹爲人深沉有大度內而文明篤行淳備初見光武說以恢復帝業主者在德厚薄不在大小其知慮卓然乃授命西討師行有紀望風迎降衆號百萬停車勞之莫不感悅關河響應懷赴如歸思漢之心固不可解非仁義之將乎嘗曰吾將軍百萬不妄殺一人後必有與者卒之明哲保身雲臺畫像子孫蕃衍貴寵與漢始終子訓隲世濟歟美其守邊非惟士卒愛慕並胡亦相依附非貪生慕死而追思其恩信及人如此

寇恂爲人寬厚長者守河內帝有可任之稱守潁川民有借一之請破蘇茂而收其兵破董元而降其城建立奇偉猶可也至於臣晉後之學舉或以下於復復有過不知自咎反以怨之長無救城野戰之功勛不下於復復有過不知自咎反以怨

恂其曲明矣恂推誠下之非賢於廉頗乎其善處君臣之間保
全名節也宜哉

馮異性謙退與諸將遇引車避道敕吏士非交戰常行諸官後
所止舍諸將坐論功獨罪樹下稱大樹將軍破邯鄲部分諸將
各有紀隸軍士頗屬焉恂色之捷不敢自伐爾書旌之其征西
也披荊棘立郡縣誅除群盜懷來百姓出入三省上林成都有
非常之功久於其任有言其專制擅殺稱咸陽王光武以章示
異異皇恐稱謝詔報曰將軍於國義爲君臣恩猶父子何嫌何
疑而有懼意以異之謙退帝之親信尚如此況素猜忌有衅隙
者乎

賈復有折衝千里之威敗青犢於射犬破五校於真定先登深
入身數被創會議擊偃率然請行意其勇捍果敢之人未必達

用舍進退之禮及天下既定知光武欲偃武脩文乃與鄧禹劉
甲兵敦儒學就第闔門授易講經群臣共薦宜爲宰相帝雖不
用而無怨者非達於進退用舍之禮者如是邪可謂察盛衰治
亂之端審盈虛消息之運用則行舍則藏進以禮退以義從容
委蛇動中夫理視李靖之老而鼓勇不知止足者爲有間哉

史鑑卷之十二

史記卷之十三

臣道第十一 武侯

吳漢勇猛有謀。嬰剪勅敵。平蜀之舉。功爲最優。每於諸將征伐。見陳不利。或望懼失度。漢意氣自若。光武有問。若敵國之謀。在朝廷斤斤謹質。形於體貌。得於司馬法云。國客不入軍。軍客不入國。在國言文。而語溫。在朝恭。以遜。在軍抗。以立。在行遂。而果者。歟。所以自建武世。常居上將。帝終始倚之。古之賢將。知柔知剛。知弱知強。出臨關。鉞凜然。人望而畏。入居廟堂。退然若無爲者。漢是也。

岑彭爲將。屢立大功。伐蜀首破荊門。長驅武陽。倍道兼行三千餘里。勢若風雨。所向瓦解。公孫以杖擊地。稱之爲神。平蜀在食頃耳。刺客殺之。豈真地名彭亡有証。而數之默定乎。由夫行陣。

無備時之偶然耳大抵大將臨戎貴於持重如周亞夫趙充國皆良規也夫人之敢死貴審所處戰死行陣守死城郭任國死社稷死得其所若彭之死特輕敵賈禍耳深可爲戒

耿弇爲將光武謂其功比韓信昔韓信見高祖論項羽其強易弱謂三秦可傳檄而定弇見光武請北收上谷兵定彭寵於遼陽取張豐於涿郡還收富平獲索東攻張步以平齊高祖之漢中光武之春陵國至小兵至弱群雄之鳴張隗躡城諸邑未知雌雄二將俱期必克非徒言之行之迄用有成無一不驗非大智過人弁初建策光武不能必弇獨必之平郡屠城未嘗少挫非大智歟

耿恭守疏勒以一孤城向奴數萬攻圍之連月踰年心力困盡以致懸山爲井煮鬻爲糧所余吏士二十六人而卒全智勇不

爲漢耶。誰能爲之。夫論人之行事。不貴其易。而貴其難。不貴其暫。而貴其久。恭之危。楚困苦。遠在萬里。無人之境。而區區之誠。堅於金石。非幸之於君。儼譽於人。非布業於當時。求聞於後世。以義重於生。故舍生取義。有死無貳。非曠世特立大丈夫能然乎。蘇武是也。

王霸之討周建。建與蘇茂合兵。攻馬武。奔呼求救。霸閉營固守。示不相援。已而將士斷髮請戰。因以精騎夾攻。而茂建敗走。乃王剪伐燕田單守即墨之法。夫兵無常強。亦無常弱。兵無皆勇。亦無皆怯。強弱勇怯之權。制命在將。以恩威賞罰。而使人必開。以利害諭。以禍福鼓。以號令感。以誠意使。凡聞者。扼腕頓足。以前生爲榮。退生爲辱。如此則弱可強。怯可勇。銳鋒所向。孰能當之。

咸宮馬武從光武誅暴亂受封爵感會風雲勒功帝藉天下旣
定囊弓以鼓而鷹揚虎噬之志囂然不已智勇之士各思展謀
奮力撫劔抵掌請征匈奴將喋血幕南收功無窮而光武以仁
聖之資啓中興之運悼斯民之塗炭親拯拯而撫摩之遣馬異
戒以不畧地屠城岑彭告以發兵頭髮皓白務息黔黎固洪
業抗章北伐詔引黃石柔弱之說夫將帥不武則國弱帝王黷
武則民殘兩得之矣

馬援方建武初天下雌雄未定援遨遊隴蜀之間與隄囂共臥
起又與公孫述同里閭皆得以封侯將軍之位常人孰不利之
援一見光武曰陛下恢廓大度同符高祖帝王自有真命脫然
相從不復反顧其輕去隄蜀事光武惜也欲取邊地以馬革裹
屍勇也西破羌戎南平交趾功烈盛矣而不知止據鞍矍矍以

求邊功卒取夫敗惜哉

蔡遵無大功名不過北平漁陽西距隴蜀先登抵上攻之隴陽而已然小心廉恪克已奉公賞賜盡與士卒家無私物身衣韋布夫人無彩飾光武以是重焉生榮死哀思慕不已曰安得憂國奉公如蔡征虜乎非有德曷致此哉若文武一道股肱大臣出將入相伊呂皆盛德之士功特餘事耳若楊素賀若弼侯君集非無功也其德行何足道哉遵之取重於時君士卒者以其有德也

竇武當永元之間女后專政靈本貴戚骨采之子將畧非所長以得罪懼誅求擊匈奴以追死命所將差故邊輕之師不及向之十一而追奔陷落之表飲馬北轆之曲淵崑頓之區落度老上之龍廷勒功然光昭萬代何異以匈奴之強得霍驍騁之

不足至於衰弱實憲攻取而有餘者爲可爲之時乘可乘之勢
力半而功倍時未可爲爲之勢未可乘乘之用力多見功實宜
也憲何足道哉

虞詡東都偏將於國有勞臨終謂其子恭曰吾事君直道行已
無愧所愧者爲朝歌長殺賊數百其中何能無冤此二十年家
門不增一息獲罪於天也夫白起爲將有大功杜郵之禍引劍
將頸曰我何罪於天至此趙長平降卒四十萬人我詐而坑之
李廣結髮戰匈奴白首不封侯語曰吾爲隴西守羌嘗反吾誘
而降者八百餘人詐而殺之恨者如此夫三子監殺不辜而能
悔罪惜其追咎者晚矣

皇甫規議論器量然傑出於一時及爲度遼將軍乃薦張象
自代請爲之劉不惟能舉而舉能且以其位授之不惟授之以

乳

位且身下之戮力協濟軍務而無猜嫌非今人所不能古人所
未之聞也若鮑叔之於管仲蕭何之於韓信能薦賢也夫為將
者多負氣以自高揆才以自任務各權而不以與人擅功名恐
人斬己若龐涓之忌孫臏王渾之嫉王濬彼何人哉規之罪人
也

皇甫嵩提數萬新募之士卒指顧而清群孽再舉而定王國圍
陳倉不與戰遂收全勝古名將不過也特董卓為副既被委兵
而懷姦逆命或勸嵩誅之以專誅為嫌不敢發卓挾權懷憾或
說嵩奉天子仗義討逆嵩之不從甘妻虎口幸免吞噬而威名
掃地矣卓之亂逆天下共誅之孫堅猶舉義嵩荷重任權卓猶
拉朽畏怖窘辱祈哀乞憐可耻矣使卓流毒海宇卒亡漢祚皆
由嵩優柔不斷長惡縱毒以致然歟

張遼以步卒破孫權一萬衆。決策於未戰之前。蓋權所將皆吳卒。利水戰而短於攻城野戰。且恃衆輕敵。所以取敗。夫合死之守。孤絕無援。力戰則死。遼以驍勇倡先。伺敵不意致死。所以爲勝。初遼與樂進李典並將操出教。與護軍薛悌約臨期。閱之。則曰。張李出戰。樂守城。薛無與戰。遼遵之。捷由樂薛二人怯。張李二人勇。隨才所宜。所以克敵。遼雖勇冠一時。非操指授不能也。

司馬懿號爲知兵。始討孟達於上庸。復征公孫文懿於遼東。長驅征討。所向克捷。及諸葛對壘。相持堅壁。辱以巾幘。終不出。人以爲怯。蓋懿料亮以驕軍千里。餽糧勞而難久。故持重以老其師。蓄銳待鮮。亮幸而死。不然。隨其計中。諸葛亮司馬懿皆人傑也。晚節末路。亮以忠順勤勞。懿終如始。懿以專權恃勢。見利忘

義視孔明猶臆梟之與鱗爲不可同夫類也

鄧艾仕魏踐履中外訓兵力農所至可紀善終如始足稱名臣
偶以平蜀之功遂貽滅身之禍何耶觀其策馬長驅深入役不
踰時戰不終日破累世負固之國功非尋常而使崇謙退之風
守恭順之節戒專取之咎防僭越之嫌請命天子振旅而歸則
功成名遂怨何由生難何由及乃輕舉妄發而莫俟鍾會與艾
同西征承制封拜不聞無同列也焉不招怨乎

關羽揮蓋策馬刺顏良萬眾中絕倫逸群號萬人敵可謂勇矣
卒至敗亡蓋由輕信寡謀貪利忘恩矜己傲物犯眾怒失人心
孫權還荊州羽逐其長吏爲子請昏又罵其使權切齒刻骨而
羽恃勇慮不及遠信呂蒙之詭計陸遜之甘言虛內外功襄陽
未下而工陵已降直盡途窮父子就戮且爲主將不懷人以恩

靡士芳死既怨且懼吳兵一動二子從之眾叛親離投死無所
可悲也夫

張飛與關羽誼猶弟兄同事先主驍勇絕倫號萬人敵釋髮願
於俘虜破張郃於危難然愛敬君子而不恤小人鞭撻健兒刑
罰大過致張達范強之怨望罹殞身之禍勇何足恃哉

張奐初舉賢良操行廉潔統領將士威化大行先詔諭東羌擊
南匈奴烏桓休屠俱叛燒及軍門奐堅壁講習自若以計破賊
退虜遷度遼將軍降服東羌却其賂遺皇甫規自謂才不及奐
舉奐代將而爲王寓所譖陷以黨錮終老于家天不祐賢如此
非不欲平治天下乎

段熲習騎射尚游俠輕財尚義好古學舉孝廉擊鮮卑破西羌
征東羌百戰百勝塞旗斬將俘獲首虜牛羊駝馬四五十萬而

服御淡素與士卒同甘苦其功烈莫大以日食自効有司舉
收印綬陽球奏誅王甫并類就獄飲鴆而死主關臣姦禍延功
臣漢所以亡也

朱雋爲將平交趾討黃巾破趙津奇謀偉策出人意表豐功盛
烈超絕古今且尚義輕財脫會稽太守於厄拜將封侯保令名
以終可謂奇男子矣

徐晃從曹操破邯鄲降易陽平馬超敗關羽操稱其長驅突陣
全勝破圍軍令嚴明行五整肅功踰孫武穰苴有周亞夫之風
蓋是御軍有法常遠斥侯先爲不可勝故戰無不利不爲矜夸
常曰以功自効何用私譽真才德兼備者歟

李典爲將德量寬弘智謀深遠從曹操擊高菑通水道劉備侵
荊夏侯惇拒之備燒屯去惇追之典曰無故而退必伏兵惇果

敗典留守其部曲宗族三千餘家請徙魏郡孫權圍合肥張遼欲出戰與典素不睦恐不從典曰國家大事何可挾私怨忘公義與遼破走孫權典好學崇儒不競功敬賢待士恂恂若不及人稱長者其馮異之儔歟

諸葛亮遇先主三顧禮勤一言道合於是開心見誠陳力就列仗義收兵因權略地結吳抗魏擁蜀稱漢策疲散而當強敵處僻陋而啓雄圖三分之業自亮成之生而蜀興歿而蜀亡係命於已非有英雄之才而能然乎以節制泊兵以信義行師以漢室興亡爲已任以生民塗炭爲已責擒孟獲而不誅志綏遠人拔祁山而不賀志混寰宇至於用法公平爲政明信李嚴廖立被罪無怨身死之日氓庶野祭遺愛在人貞仁人君子乎感佩已之遇厲匪躬之節受遺輔幼精誠貫于金石大義感於神明

內揔朝綱外專戎律上下無怨盡釋勳躬非忠臣義士乎古今
稱其王佐之才無以加也

魏延可謂鐵中錚錚爲先主語距曹操而吞其十萬之衆又欲
得萬人間道入長安與諸葛亮會潼關志氣豪邁若有爲者惜
勇而無義斜谷之役新喪元帥義當協和將士先國難而後私
讎乃肆其褊心與揚義交惡爭睚眦之怨蹈叛逆之誅怒激一
時禍流三族孔明既歿諸將皆無出延右使容忍謙遜何患功
名不立哉寡識淺謀自貽伊戚平日勇敢爲破家始身身歿惜矣
吳周瑜當曹操伐吳威震寰宇群臣爭議迎降瑜獨定大計度
操部水軍百萬遠涉江湖不習水土必生疾病願得精兵三萬
破之以片言決毀王之策以偏方抗天下之師卒走強敵開拓
荆土非明斷能然乎至其議縱劉備不資其進地又欲西取巴

蜀而并張魯北據襄陽以蹴曹操雄圖出人意外表使究其志未
易量也雖天畀其壽中路隕歿其一舉而鼎分三國功名之奇
垂於無窮焉乎盛矣

魯初見孫權一見宴語便立帝王大畧建議伐劉表觀荆楚
之衅宣言說劉備共為犄角之勢又曹操南來莫不披靡獨
排斥群議薦周瑜任事一戰定霸實謀出魯肅遂掩其名其失
者勸權割土地與劉備百戰一失卒為新蔡向使如周瑜之謀
吳魏當南北中分無鼎立之勢何肅之巧於料操而拙於知備
所以不及周瑜也

呂蒙為吳將初未知名孫權喜其穎悟勸其就學蒙篤志不倦
後聰明進智謀傑出誘降郝普襲取關羽歟畫謀策權稱其
可次周而勝魯肅美其能克已有國士之量三國人才如諸

葛亮孫或周瑜陸遜皆學識博洽議論弘偉豪之少特異敏有膽而已使其不學亦增等伍耳豈足立功名不朽哉夫學之一事人患不爲爲之必得蒙之謂也

陸遜知兵勢識傳記其爲將號多智畧周瑜魯肅之亞初鎮陸口密隣關羽謀敬尊奉之羽墮其計因取南郡劉備復取荊州遜相距八月卒展成筭以收清功備敗走諸將欲追之遜決策還坊魏人乘弊已而果然保有一方抗衡二國屢勝少敗曹操劉備俱失之輕舉而敗遜佐權專固保疆境以自封殖不勞民動衆勦事所難爲國長筭所以不敗三國之良將也

悔吝可謂知彼知己。審強弱盡用力之利病。及病且死復論。西延建平。宜增精兵固守。後王濬東下。果如抗言。三國中分。其最永世。諸將繼歿。抗獨後亡。天假數年。晉人豈得而至哉。

羊祜初督荊州。墾田殖穀。以實軍儲。據險築城。以嚴邊備。不數近功。不貪小利。務以恩信懷柔。初附。每與吳人交。兵克日乃戰。不爲掩襲。不進請謀。飲以醇酒。使不泄言。軍行吳境。割穀計所得還之。化行江漢。吳人悅服。及卒。晉人號慟。吳士亦垂泣建碑立廟。祭享不絕。仁德所感如此。力排群議。決大策。舉杜預。王濬以平吳皆祜之謀。世言爲將無用仁義。專以殘忍暴刻詭詐反覆爲事。何足道哉。

杜預平吳之功。羊祜發之。張華贊之。杜預成之。初請師。期帝意未果。表陳大策。指授群帥。徑造秣陵。役不藉藉。而平吳預之料。

敵制勝晉之韓白乎。得君得時得權得機。四者兼會。何所建立。功成之後。從容無事。聖恩優渥。如左傳辭自名。異乎貪權者利者。世稱儒將名德俱優。賢矣哉。

王濬之伐吳。駕舟師順流而下。千里雷聲。投鞭之會。間不容髮。直搗其壘。乘勝納降。得爲將之宜。盡用兵之術。大功赫赫。孰能掩之。正福心橫。加謗。設以章自明。埋固宜耳。凱還之後。進見之際。叙其功勞。陳其冤枉。忿怒不辭而出。失朝廷之禮。乖臣子之儀。烏得而無罪哉。晉君亦非也。當明其是非。正其賞罰。何至加以重罪。國憲朝綱。紊亂如此。可勝嘆哉。

馬隆涼州之役。依八陣圖作偏箱車。地廣用鹿角車爲營。路狹爲木屋。施車上。且戰且前。弓矢所及。應弦而倒。轉戰千里。遂以克敵。李靖謂偏箱鹿角兵之大要。一則治力。一則有拒。一則束。

部伍三者迭用得古法矣夫先王用兵本以仁義惜人力重人命戰以車爲陣止以爲營器甲糗糧於此乎載人得休息以佚待勞不求大勝亦無大敗進則速奔退則固守以圖萬全非若後世以譎詐之術而取辦無仁義之心哉

周欒負所弛之資爲鄉曲患與猛獸長蛟同爲三害既而悔悟遷善遂踐顯位卒爲忠臣西征母老難行處曰既事君父母安得而子梁王欲逞宿憾授兵五千使當先驅而絕後方戰終日斬首萬計矢盡無救左右勸退處曰此效命之日何退之爲諸君負信勢必大振大臣以身殉國力戰而歿朝廷褒其任職致身見危授命執德不回夫處始貽患里閭庸人羞偶終焉忠國舉世難能非崇德從義過而能改乎

隋侃爲大都督擊破賊張昌杜陵討斬王機蘇峻反與溫嶠更

亮斬峻機鑒神明初守廣州朝暮自選百發諸方致力中廢過
爾優逸恐不堪事其後都督荊州梁雍諸軍閩外多事千緒萬
端罔有遺漏遠近書疏莫不手答接引疏遠一無停吝云當惜
分陰勤志如此絕若莊浮華之言投參佐蒲博之具奉饋力作
者雖微物必喜持爲戲者小過必懲百姓力農家給人足在
軍四十一年人稱諸葛行事得失雖相半未爲盡純勤勞之節
古人無過

周訪擊斬江州華軼及嗣將張彥討平江沔賊杜曾斬之有大
勛才名威望數陶侃等而賦性謙虛未嘗自伐或問故曰朝廷
威靈將士用命何功之有使人臣如此豈有僭逆哉凡人有大
功必內懷僭假之心外逞驕矜之色少不如欲快快隨之若王
敦恃功心懷跋扈馴致犯關搽戈陷于大逆魏信陵君殺晉鄙

挾趙破秦。王郊迎之。唐且曰。事有不可忘者。有不可不忘者。人
德於我。我不可忘。我有德於人。不可不忘。君殺晉鄙。挾邯鄲。破
秦。兵存趙國。此大德也。今見趙王。願君忘之。真長考之言。訪得
之矣。

史記卷之十三

史記卷之十四

臣道第十二武臣

謝玄爲將，苻堅擁百萬之衆，長驅而南，謂拔鞭可斷江流，克敵易於振槁。一旦指授我方，軍首陣動，玄以八千之卒，蹂踏而殲夷之。鼠竄兔伏，僅以身免。昔之俘囚降虜，爭起而蹙其國，堅之此舉，猶富家之子，傾囊竭橐，操萬金與市井搏徒，擲以決勝負。無大得，敗喪萬金。玄之籌策，適天方祚晉。玄舉揚越，輕散之卒，拒秦涼百萬精銳之師，事雖偶然，其亦英偉傑特。周瑜之亞歟！王猛螭蟠布衣，契苻堅之一言，君臣相得，感會風雲，縱橫文武之才，出入將相之任，爲將則循名責實，行法則信賞必罰。國富兵強，戰勝攻取，犬羊之秦，致升平之治。人方之諸葛，其勸堅勿爲晉圖而卒敗，言鮮卑之必爲患而卒亡秦，夫秦虎視一世，主

地甲兵十百於晉重以堅之英偉誰與爲敵慕容垂籠中之鳥耳猛於永訣深以爲慮後果如所言何其明且審耶而族斗筭之量報睚眦之怨設怨謗之言使樊世期被戮視佩力之贈擣慕容之子出奔此其短也

檀道濟西平姚秦北却元魏真一代之驍將卒以威名過重見忌於時文帝猥聽義康之謀無故召而殺之自是魏有鐵馬長江之志謂吳子輩不足憚頻舉南發遂至瓜步延敵蹙境雖悔何追使文帝如光武道濟如子房明良相逢豈至此哉道濟以威重殞身三略之書有補於世爲將者不可不究其義用以立功用以保身子房有之矣道濟其未之知歟

王鎮惡當宋武乘蟬圖關中鎮惡爲軍鋒自河入渭汴流而進風馳霆擊遂克長安可謂一時之傑千載之功文帝不能推誠

委任共濟大業返顧江左引兵遽還留鎮亞副其子義真又與
沈田子爲後言啓其嫌隙卒爲夷滅鎮惡及禍而關中復失大
人君選將求天下豪傑以任之然負蓋世之才者必見忌於衆
懷蕪人之畧者必見嫉於人重以權利之相攘勢位之相軋讒
毀之所由生怨憤之所由積有不可勝慮而不可勝言者使鎮
惡推功而不居武帝推誠而委任則君臣兩得矣

韋叡督兵伐魏一戰而敗之魏用鍾離兵百萬精騎萬餘連城
四十里叡結車爲陣射以強弩貫揚大眼臂馮道根裝大艦如
水軍因風縱火焚其營柵魏師大敗死者十萬斬首如之俘數
十萬曠世盛舉可方周瑜謝玄以南方之長乘北方之短善用
兵者也夫伐國圖功不用其長以乘彼短又不伺敵之間慮著
而後動謂之浪戰其能取勝亦幸而已矣

崔浩博通經史玄象陰陽曉兵法多奇謀自比張良伐赫連昌
大獲擊蠕蠕虜數百萬擊滅薛永宗渭北賊無一不勝誠一代
之傑然處大羊之國事虎狼之君恃才席寵專制朝權不知進
退昧於事機用冉閔郗標之言刊立國史以彰直筆謗口一騰
罪罟四布僚屬胥吏駢頸就誅貪求虛名養成宗禍其謀畧成
功可方子房其明哲保身則不可同日語矣

慕容恪之子也深沉有大度容貌魁偉善經綸世務就授之
以兵臨機多奇策鎮遼東著威望高句驪憚之就卒輔雋累戰
有功雋寢疾厲以大事憍之世總攝朝權初晉問雋死曰中原
可圖桓溫曰恪存所憂方大誅慕容根中外危懼恪容止如常
神色自若而虛襟待物咨詢善才盡心孝養爲將不爲威嚴專
尚恩信務大略不拘小節防禦甚嚴終無喪敗

王僧辯學問該博明左氏傳雖學不穿中而有凌雲之志侯景反督兵討之大破景兵入據石城景走湘賊陸納破衡永僧辯討之賊大敗湘州遂平初與陳霸先同事梁同建軍功霸先欲構逆謀忌僧辯軋已以罪惡之爲乎忠義之士每見嫉於亂逆之人可爲世道慨

于謹負經濟之才值艱難之運首建都關中之策復陳江陵之謀擊敗陳神兵殺降蠕蠕斬梁主勛業既隆寵任彌篤而事上益恭處已益遜單騎出入深戒滿盈常恐傾覆卒以明法爲國元老全節始終人無間言教訓諸子務在謙退後嗣蕃衍顯榮周魏之臣鮮能及者抑謙謹之效歟

韋孝寬爲行軍元帥齊神武傾國西入連營四十里苦戰凡六旬士卒殺傷十之四五城終不援自言生爲男子不爲降將軍

鎖其子策至城下。臨以白刃。協其降。孝寬慷慨激烈人。皆感動。守死不回。方齊師來攻。起土山。鑿地道。造攻具。四面並進。孝寬臨機應變。咸拒破之。其全勝獨克。出韓安國之守。渠張許之守。唯陽之右。真良將也。

斛律光多智謀。有膂力。周賊入寇。擊敗之。破韋孝寬。忠武雄狀。威加敵國。齊之關張也。不幸立於昏昧之朝。與群不肖共事。謠語毀於內。謠言間於外。禍若發機。一旦屠戮。周武聞之。赦其境內。再舉東討。遂以平齊。嘆曰。此人若在。何能至此。夫國必自伐。然後人伐之。無罪而殺忠賢。鮮不敗亂。誰謂能覆邦家可畏哉。長孫晟負膂力。有將才。其圖突厥。謂玷厥兵強而位下。處驛驛。數多而勢弱。阿婆首鼠。惟強是與。交遠而攻近。離強而舍弱。使其首尾嫌猜。腹心離阻。十數年後。乘衅討之。可一舉空其國。隋

文帝用其計遣使出聘突厥諸部果疑掘圖將四十萬騎入款
玷厥引兵還還既又阿婆內朝染干外從自是北虜衰矣突狄
之性暴而喜爭忍而好殺貪而嗜利無上下之禮昧君臣之義
自相攻伐禍不及中國因間討之民策是矣

楊素少而倜儻不拘小節文武全才議論英發謀略淵深重膺
間寄料敵制勝變化無窮汎舟東下則金陵失險擁騎北伐則
沙漠清墟考績策勛無出其右若守以忠信行以仁義古名將
無以加恃其縱橫專事智詐阿諛事上巧詆害人營造離宮導
君奢侈發易家銅措內傾危卒使社稷丘墟海宇板蕩其御軍
雖嚴將戰輒求人過斬之流血滿前言笑自若殘忍暴酷若是
以才勝德真小人之雄者也

宇文憲性簡敏有度量文帝欲任諸子出鎮憲請行年才冠

於撫綏留心政術聽訟如流齊人入寇敗之拔河陰二城攻克
晉州破洛汝克井州馭兵有法摧鋒陷陣爲士卒先齊人憚其
勇略討齊信都一鼓而拔禽任城王諧廣寧王孝衍莫大之功
謙遜不伐以孝交著稱真良將也

韓擒虎其平陳也渡江如獲坦途險阻曾無礙滯王濬平吳猶
假舟師之利順流東下擒虎直以精騎五百爲諸軍先龍采石
而陷金陵何其神哉其智非過於魏武其力劣於符堅良以陳
政昏亂群小擅朝上下乖離士無鬪志諸軍並出敵受牽制故
得乘時取勝使并寶如孫權將臣如周瑜擒虎孤軍深入救死
不暇所遇之時適然耳非良法也

賀若弼自負可爲大將觀其器小而志銳有才無德效鷁噬之
用可收狗功失駕馭之權必爲戎首弼之進用高顗所薦平陳

之後深自矜伐求爲內史又求僕射及相楊素願遂惡望下獄
帝數之曰子有三心大猛嫉妬心自是非人之心無上之心因
疎斥之不用煬帝之世卒以誅死豈忠良之臣哉孟子曰益成
括小有才未聞君子之道足以自殺其軀而已矣溺之謂歟
史萬歲討南陵夷黨既入朝萬歲納其金寶言之而還後旣復
叛窮治其事得實高祖責曰爲金放賊重勞士馬豈朕意耶因
欲誅之高平進諫而免後竟得罪其貪至是乎身爲上將享厚
祿率三軍之衆征萬里之夷功成名遂何求不得反貪貨賂欺
君縱叛一何愚哉馴致刑戮宜也

趙王孝恭討輔公祏將發杯水化血大爲不祥士皆失色孝恭
自如曰公祏禍惡貫盈今仗威靈以問罪杯中血水乃賊授首
之祥孝恭可謂能治其心矣使心無主惑於妖怪則軍氣沮喪

安能克敵哉。劉裕追盧循，麾竿折，播沈水，衆懼。裕曰：「往年旂竿折而勝賊，攻柵而進，遂敗盧循。」李晟討朱泚，焚惑，守歲。晟曰：「天子暴露，人臣當力死勤難。」安知天道邪？竟破朱泚。夫人可使由之，不可使知之。妖不勝德，非心治於內者能然乎？

李靖才兼文武，唐室初造，受命爲將，兵鋒所向，戰無堅陣，取蕭銑如拾遺，摧公柘如振槁。海內既定，賈餘勇以征四夷。北平突厥西破土谷渾，長軀深入，莫敢誰何。酋豪心殫，膽落，救死不暇。使唐之威令雷動，風行，際天所覆，悉爲臣妾。一何盛哉！與太宗問荅前代之興廢，古人之得失，中國之事，宜四夷之情，實兵家奇正分合之術，率騎營陣之法，粲然畢舉。是知太宗之有大爲之君，靖爲不世出之將，整軍振旅，建大事功者，豈偶然哉？

李勣從太宗平竇建德，王世充復專閫，征伐四方，克突厥而破

高麗勳烈赫然與李靖等帝嘉其在黎陽不背李密以爲純臣
可託大事剪髮療其疾解衣覆其醉辱以孤幼都督鼎沸立太
子異圖報効高宗宮性易奪事繫安危遂良無忌死爭帝猶豫
取決勅曰此陛下家事何必問人遂立武氏斷削唐室幾至淪
胥胥若是蓋勸善將而已托三尺之孤臨大節不可奪非勸
所能太宗譔於妾等惜哉

尉遲恭驍勇絕群躍馬刺雄信勒兵誅隱太子可謂虎臣國之
爪牙矣後侍宴慶善宮怒班居下任城王道宗解諭之擊道宗
目幾眇太宗責之曰朕常怪漢高時功臣少有全者今視卿所
爲非高祖之過恭始懼自戢終不及禍太宗可謂能駕馭英雄
恭則能折節悔悟後之爲將者可不戒哉

蘇定方凡滅異域三國皆生執其主可謂良將矣然非因時乘

勢能爾邪唐興制兵以府養馬以監兵精馬良天下無敵重以
太宗神武驅策英豪而任用頡利控弦百萬驚然輕視中國不
數年擒至闕下雷掃風除部落爲虛既而西平高昌焉耆東破
高麗百濟天戈所指必勝必克兵力之雄遠出秦漢後嗣席其
餘蔭得以坐制四夷英偉之徒既老且死而諸將偉然爭鬻
取我捷於塞外如劉仁軌裴行儉郭待封李恪王方翼薛仁貴
程務挺者十數輩非特定方而已兵家貴於知強弱虛實爲上
也

薛仁貴方太宗之伐高麗仁貴恃其驍悍欲立戰功乃著白衣
自據顯持戟腰鞬兩弓疾呼而馳所向披靡帝見而異之賞賚
除授既優且渥謂不喜得燕東喜得勇將太宗其善駕馭英雄
乎果以三箭定天山爲唐虎臣非仁貴之勇而有立乃太宗能

用之也夫剪如仁貴而不遇其主者何限李廣之於文帝魏延之於諸葛皆知而不用用而不盡其才人之處世有幸與不幸也

裴行儉擒郅支而降遮旬誘伏念而縛溫傳兵略優矣其知人之明御下之恩非賢者不能也夫大將知人豈難用人不當必貶師而誤國行儉所引裨將如程務振王方翼郭待封李多祚黑齒常皆為名臣何其明邪嚴猛剛暴武士常態至或賊殺無辜用以快意者有之行儉不然朝廷賜駿馬珍鞍令吏私馳之馬蹶鞍壞懼罪而逃行儉招還不加罪又宴蕃酋將士出外域珍寶章吏碎瑪瑙盤叩頭流血行儉曰爾非故也色不少吝何忘邪臣其得人心服

裴休環舉明經高第授鉞臨我所至底績為武威金吾二衛大

將軍西破突厥烏質勒爲諸蕃舉兵相攻安西道閉武后詔休
璟與宰相計議不少既而遼州建請屯置堡盡如其策后嘉其
練知兵事擢叅知政事復爲安東都護荐歷遼任自碣石逾四
鎮綿地萬里山川夷阻障塞之要皆能記之使居中運籌於用
兵行師寧有遺策而罔功乎可謂文武全才矣

張仁愿爲朔方總管以拂雲祠在河北地形雄勝控扼樞會突
厥犯邊必禱於祠而入寇因默啜西伐乘虛築受降城六旬三
城就又於牛頭朝那山北置烽堠千三百所自是突厥不敢踰
山牧馬朔方無寇損歲費減鎮兵以此知守險設備如陸贄所
謂脩封疆守要害整蹙隊伍軍營謹禁防明斥候務褻練卒劉
貺所謂堅守無與追奔競逐來則杜險使不得進去則閉險使
不得還最爲美計務決戰則勝少而敗多也

王峻第明經爲桂州都督吐蕃寇臨洮擊敗之俘獲如積突厥默啜被殺其下多降分置河戍峻料以三策遷置淮為河南後又討平蘭池叛胡賜以宮人不受曰臣之事君猶父子詎有常近聞掖而臣子敢當乎峻氣貌偉特時謂熊虎而知君臣大義其賢矣哉

郭元振少有大志爲大學生家送資錢四十萬有哀服叩門求助葬五喪元振舉而與之無少吝一不贊名氏上疏言吐蕃乞和之利突厥吐蕃寇涼拜元振涼州都督操練士卒擊關屯田撫綏夷夏欸塞請和烏質勒死其子婆爲謀亂元振元振堅壁不動晝日吊哭甚哀爲治喪事宴賓感慕入貢其謀畧淵深行義仁恕有文事武備者元振兼之矣

王忠嗣方玄宗之世海宇承平邊臣爭欲生事夷狄以固寵

忠嗣獨曰。平世爲將。撫衆而已。吾不欲竭國力以幸功名。議取石堡城。謂所得不酬所失。帝決意攻取。忠嗣勉強出軍。李光弼諭以啓讒受禍之語。乃曰。吾固審得城不足制敵。失之未審爲國豈忍以萬人命易一官哉。終以此忤權要。至貶而不顧。自古將帥未有能操是心者。其謀國也忠。愛士卒也仁。而以身任其禍。後哥舒翰攻石堡城。士卒死亡略盡。忠嗣又言。安祿山必反。李林甫惡之。抵以死罪。而祿山作。惜哉。

郭子儀之才。見於平安史僕固之亂。却吐蕃四紇之侵。再造王室。勛業巍然。至其位兼將相。權傾中外。以身爲天下安危者。二千年較中書令二十四考。主無疑心。人無間言。盛名高節。善始善終。大事有四。一與李光弼初。甚不相能。及祿山反。子儀領節度。詔光弼分兵東出。光弼請曰。一死固守。乞免妻子。子儀持其

手曰國亂主遷非公不能東伐豈懷私忿時邪詎平巨盜一也
發祥擅朝屢遭譏謗奪其兵柄天下洶洶不平子儀朝聞命夕
引道別無顧望二也在邠州秦州縣官不報僚佐以宰相不知
體爲言子儀曰武臣奏事上多委曲從之疑之也今不從斯厚
待我何怪哉三也破吐蕃靈州魚朝恩嘗約備具元載使人告
以軍容將不利於公其甲冑甲願從子儀以家童十數往會朝
恩愧而稱爲長者四也非識量宏遠者乎至如單騎挺身論回
紇破吐蕃之兵收靈臺之捷出於一時之幸會非萬世之常法
此乃神明指授豈人力所能及哉

李光弼爲副元帥善謀能戰賞信罰明士卒爭奪攘袂徇國收
史思明安大清降李日越以少覆衆軍中指顧諸將不敢仰視
威震華夷戰功爲第一暮年擁兵爲自固之計吐蕃之入寇天

子幸陝促兵入援則遷延不至遂歸徐州以收租賦為辭故田
神功等不復畏懼因以愧恨而卒方魚朝恩程元振用事雖能
踈間大臣而代宗寬仁待光弼至厚決無意外不測之禍光弼
唐之元勛再造王室一旦改其臣節視國難而不救違王命而
不赴宜乎部曲不受約束以憂憤而終非不幸也宜也方諸子
儀有間哉

李抱真為澤潞留後籍民三丁擇一蠲其租稅給以弓矢令閑
自習射歲終大拔按籍第能否賞罰三年皆為精兵得六十二
萬不廩於官而府庫實繕甲練兵遂椎山東昭義卻兵為諸軍
冠其後田悅朱滔李希烈朱泚李懷光相繼叛關河南北悉為
盜區獨抱真以數州橫絕其中莫敢撓鋒肆侮唐太宗治府兵
深得古意五代始制點剌府兵廢而不能頓復點卒不可盡廢

如昭文步兵不可參而行乎列辟庶尹皆能取抱真爲法何畏夷狄之侵何憂盜賊之發何致厚歛遠輸以困夫民哉

馬燧英雄忠義先計而後戰潛師以窘田悅決策平李懷光名蓋一時可謂盛矣然其受命征討與抱真交惡致大功不成三叛假竊後信尚結贊之詞與吐蕃會盟平涼卒使大臣奔辱幾危宗社迹其所由皆燧之罪史謂燧者天下以爲可責故責之不以功掩罪亦不以罪廢功深得春秋褒貶之旨如李晟和解二帥而諭之以利害逆科虜情而啓其謫詐高識遠慮賢於燧多矣

史記卷之十五

臣道第十三 武臣

李晟方德宗狩奉天朱泚陷京師晟即日治嚴孝忠欲止其行
晟曰天子播越人臣當自舍一息義武欲止吾當以子爲質力
與孝忠約昏所過樵蘇無犯李懷光陰與賊表裏河北三叛約
自王武俊李納陷鄆李希烈陷汴晟提孤軍抗群盜以忠義感
人人樂效死聞其家爲賊所質曰陛下安在而恤家乎既克都
城令諸軍曰長安士庶久陷賊庭若震驚豈吊民之意乃秋毫
無犯市不易肆謁帝三橋跪陳臣備爪牙不能指日破賊致乘
輿再狩乃臣之咎請死伏道左行是事出是言三王之佐莫能
及也非仁義根於心大有過人者能然乎世之人得尺寸之權
卽傷人害物立憲變之功卽要君北上者視晟豈可同日語哉

季愬性不喜殺不尚氣其平淮也得賊將李祐李忠義不誅用
爲腹心以擒吳元濟入城降萬衆不戮一人夫白起降趙卒四
十萬一旦坑之李廣擊匈奴出塞失道而還大將軍衛青欲得
曲折上書報天子責廣之幕府上簿廣因憤之引刀自頸而愬
平蔡州立奇功乃屯兵鞠場以繫韉謁裴度曰此方變上下分
久矣請因示之三將行事相反蓋世言爲將者多喜殺尚氣喜
殺則不仁尚氣則無禮白起李廣是也史臣贊烈平蔡之功不
及此二事若僕固懷恩平燕趙之亂李懷光解奉天之圍皆希
世之功而不仁無禮以啓禍端迹烈之行事非根於仁義乎
渾瑊初德宗遭賊攻圍之急發敕詔書十餘自御史大夫實封
五百戶而下募兵得死士當賊賜賊筆使量功授詔不足則書
衣以授其不吝爵賞得以專城李懷光敗朱泚泚拒却衆自謂

城必不失懷光既失臣節城獨收成功與李晟等奉其親盟生
蕃不辨勇詐奔竄苟免常人所不爲而城爲之豈其長於城守
短於料敵歟去辰遠矣城不著部知書譙譴不伐世方之金日
磾治藩始終持重猜間不入君子賢之

王彥章奮自行伍目不知書忠義之性與志俱生嘗曰豹死留
皮人死留名與晉數困莊宗於河上末帝委任之梁未亡也以
主聽不聰群邪擅政臣抑不得逞莊宗入梁欲降而用之彥章
慷慨不屈以死自誓曰臣受梁深恩非死莫報豈有朝事梁而
暮事晉者何面目見太平之人乎非哉斯言足以立萬世之
臣節若馮道以學古名儒事五朝六姓朝爲仇敵安其位受其
任能無愧乎

郭崇韜爲人也賢許國也忠決策南向八日而破梁受命四計

七旬而舉蜀。勛業盛矣。卒及於難。實自取之。然而嘗有意於避
權而遲回。顧戀不能速決。聽騎虎者。勢不得下之語。結中官以
固寵。而詭譖交攻。嫌隙既成。又欲好兵立功。爲久安計。是匹夫
懷璧之罪。而益千金之資也。

石守信周之宿衛將。宋太祖代周。守信與王審琦高懷德張令
鐸張光翰趙彥徽王全斌劉光義米信杜彥圭崔彥進田重進
王仁贍董遵晦沈義倫潘美党進石熙載楊業等皆有推戴功。
職居藩鎮。手握重兵。太祖召守信等宴樂。酒酣。諷以釋去兵權。
出守大藩。爲子孫市田宅。多置歌童舞女。日飲酒相歡。且約爲
婚姻。諸將叩頭謝恩。各授外職。罷兵柄。烏乎。太祖之德至矣。其
亦光武優待雲臺功臣之意。而加於厚云。諸將與太祖故等素
非寇讎比也。

曹斌初從王全斌平蜀諸將多屠戮彬獨禁止之奉命伐南唐
暮月未下彬與諸將誓戒破毋殺一人唐主出降府庫令人檢
視彬一不問兩總樞機五居節鎮功高而志下守清白如寒素
衣止綈紵三子瑋琮璨皆賢而繼領節鉞人方之鄧禹云
郭進爲將御軍甚嚴嘗選御馬直三十人隸進麾下進斬其怯
戰者十餘人其控扼西山逾十年無西顧之憂太祖爲治弟比
於諸王云

曹瑋爲將沉勇有謀習兵法令嚴明善用間諜覘情實故戰
勝攻取將兵四十年未嘗失利其鎮天雄契丹使過戒其下曰
曹公在此毋縱騎驅馳其威望尊嚴如此

韓琦范仲淹當西夏趙元昊反琦與范仲淹爲陝西經略使有
謀客善機變其格敵務持重不急近功不拘小節專以德化綏

懷遠人而人自敬憚時人語曰軍中有一韓西賊聞之心膽寒
軍中有一范西賊聞之驚破膽又曰小范老子胸中有數十萬
甲兵不比大范可欺也琦出將入相名重華夷才兼文武猶唐
郭子儀裴度云

狄青由點卒爲將每戰被髮以銅爲面具賊望之如神無不披
靡尹洙薦之韓琦范仲淹授以左氏傳及秦漢兵事懷智高反
授荆湖宣撫之節討之賊兵大敗斬首虜數千智高遁入大理
殺之函首送京師以功名終或以梁公像及告身以獻青厚贈
而還之謚武襄青爲人不驕不伐而多智多才其不附華貴與
郭崇韜異賢矣哉

李綱當高宗初爲樸射士上議直言罷講和次言都闕中又言取
材東南募兵西北諸將皆注伯彥勸上避敵東南綱言不可二

人構詭譖罷綱綱博學多智謀忠義之氣凜然貫天日御軍
有法先後奏疏累數百皆有裨國家高宗不究其用惜哉謫忠
定

种師道世爲山西名將充京畿制置使金兵至率師入援曰毋
割三鎮地寧增歲幣待姚古兵至虜糧竭必還姚平仲沮之城
遂陷以年老罷許翰奏時多故不宜使虎臣居散地不報師中
師道之弟勇兵還師道以兵逐勇出境後援太原與虜力戰死
姚平仲姚古之子以兵入援而古後期种姚世鎮山西兩家子
弟不相下退居山中九十而終姚友仲爲京城統制圍城中最
爲有功

宗澤有文武材爲東京留守虜至募戰士造戰車援形勝立壁
爲壘數擊敗虜東京稍安金將王策用其謀知虜之虛實招

兵合百萬請上還京凡二十疏爲汪黃所沮憂憤病疽卒臨終
語不及家事連呼過河者三遺表力請亟還京闕敢忘尸諫自
奉儉素祿入以賑貧乏養孤遺澤卒將士半去都人請命其子
穎繼父領兵不久以杜充待之酷而無謀諸將不安豪傑士
皆從盜人謂澤在化盜爲兵充代則兵變爲盜用人之大其過
如此

張浚初爲川陝宣撫富平兵敗居關金人入寇復召與趙鼎並
相進用正人表裏相維乃命岳飛平楊么韓世忠克淮陽劉光
世取壽春岳飛焚蔡劉豫入寇大敗之軍威大震秦檜導主和
議請罷浚檜死復官起廢黜之後風采毅然衛士見之以手加
額爲樞密使封魏國公金甌移檄索割地歲幣史浩主和浚力
言不可督師江淮講論軍務脩築城堡繕理器械虜不敢犯將

士勇躍思奮金人大恐湯思退族言官劾浚疏乞罷之尋卒
趙鼎為荆蜀督將行言曰張浚有補天之力出使川陝得專黜
陟小人爭趨之一不得意則攻訐無不至誣及母姦臣無浚功
當此重寄恐是非紛紛後與浚並相鼎好薦故諫爭入奏上移
竹鼎曰民岳花石之擾亡國今復蹈前轍與浚同心戮力扶持
皇綱而屢見譖於小人或復或罷使中興之功無成傷哉為人
君者宜鑒之哉

韓世忠初為統制勇冠三軍立大功數十拜少保上署其旗曰
忠勇敗金兵於鎮江幾擒兀朮再敗金兵儀鎮盡擒其突將虜
驍世忠慄悍過人為中興名將第一其制軍器如浚貌遂連鎖
甲掠陣斧剋敵弓皆其遺法和議成退居杜門隱於釋教封斷
忠武王

劉錡爲東京留守虜兵六十萬攻順昌稍兵三千被重甲五人爲五貫以韋索號鐵浮屠翼以楊子馬各長勝軍騎以短兵奮擊大敗之再至陳州虜望其旗幟而退

張俊爲將討江淮盜李成復二郡而降成稱爲名將然附會秦檜疾岳飛君子譏之不齒

岳飛少負氣節好左氏傳孫吳兵法引弓百斤應募忠義用兵以寡敵衆前後大小百戰未嘗敗績兵八百破金人五萬桂嶺八千破十萬背嵬五百破兀朮十萬平李成擒楊么上賜金絲袍金帶衣甲署旗曰精忠秦檜主和諷上詔飛班師飛拜曰臣十年之功廢於一日非臣不稱職誤國者秦檜也兀朮移書抵檜必殺岳飛張俊贊之檜誣飛謀反并其子雲殺之而中興之功不復成矣孝宗有志恢復思岳飛求其後官之封鄂武穆王

無補矣然忠義之義貫于天地葬西湖墓木枝皆南向異如此云

吳玠爲西蜀安撫沉毅尚氣節邊境無虞進官開府謚武安王子玠弟璘御兵有法士樂爲用鎮蜀二十年恩威交著拜大傅封新安郡武順王子璘襲

董俊少勤涉書史善騎射從元太祖爲元帥累立戰功圍真定攻汴梁歸德力戰死俊忠實自許不爲夷險少移臨陣勇義異衆立矢石間怡然無懼善戰而不妄殺人軍政寬明人樂爲用履實以所部八州三十萬衆歸元太祖行尚書事諸將每欲屠城實戒以不殺城破以金繒贖俘囚賑饑饉封魯國謚武惠子孫世爲顯官東平賢士多所薦云

木甲亂刺兒氏爲人勇毅多智依臂善射挽二石弓事太祖

以忠勇稱與博爾木博爾忽赤老溫號撥里班由律華言四傑也開國元勛無出其右封魯國忠武王

伯顏蒙古八隣人以中書左丞伐宋呂師瓊賈似道降不許似道夏竦大敗明年再舉阿剌罕爲右軍自建康趨獨松嶺董文炳爲左軍循海往伯顏中道水陸並進次嘉興策相賈餘慶奉使國爾隆表至伯顏以宋后幼主至燕都世祖崩百官總己以聽明年魏深累善斷將百萬衆如將一人人仰之如神破宋不殺一人裝唯衣食口不言功封淮安忠武人方之曹彬云
阿木兀良沈幾有智略臨陣勇氣蓋萬人伐宋平淮功多上賞封淮南王

阿里海牙畏吾人事世祖取襄陽平武昌長沙所至不殺發廩賑荒以功封楚武定

紐璘刪竹帶人偉貌長身勇力多謀略領兵平蜀拜都元帥
李愬於彌氏世爲西夏國主爲益都淄萊高唐代宋有功拜荆
湖左丞征交趾封滕忠敏公

張弘範伐宋爲前鋒攻揚州斬首萬級張世傑焦山之戰弘範
傍衝之宋師敗從董文炳趨臨安授江東宣尉征廣東宋舟師
聚崖山弘範入大洋相距李恒舟師亦至合攻宋舟大潰陸秀
夫抱幼主赴水死世傑南走風壞舟死于海勒功磨崖還朝而
卒封武略淮陽王

察罕帖木兒穎川沈丘人撫馬赤軍因亂仗義起兵有功爲汝
寧達魯花赤汝穎賊李武建德破潼關察罕拔之陝西左丞李
羅帖木兒跋扈與察罕相攻尋遣其子擴廓帖木兒貢狼燕京
察罕總兵討山東下東平由豐隆又圍益都田豐王士誠復叛

陰遣人刺殺察罕

擴廓帖木兒代父總兵爲中書平章攻益都擒六百人斬首八百級益都破田豐伏誅詔旌其忠立廟死所謚忠襄王擴廓拜右丞相烏乎當元氏之季位顯官享厚祿者何限而擴廓效義出於草澤之人真偉然特立大丈夫也同時有信陽羅山人李思齊共起義兵思齊以功知汝寧府陞四川右丞思齊未幾臣節愧察罕多矣

王英邦傑性剛果有大節膂力過人善騎射襲父千戶職善用雙刀人稱雙刀王多戰功平江大老擒劉貴推蔡五九降張思齊陞海北宣尉年九十退老君益削憤毛貴叛逆不食而終詔旌異之曰不食寇粟餓死於泉有夷齊之風臣之清者也

史鑑卷之十五